

6.0 PIQAUTIKHAINNUT

AANIAQTUT AULAAQNIGNIK KIVGAQTUGAUYUT

Aaniaqvikmut Aulariami Ilaulaaqniga

6.1 Ilaulaatut aaniaqtut aulaaqniginik ikayuuhiat turaagayut nunaqatunik Nunavumi aulariaqaqtunik aturiagani aaniaqtailinikut ikayuutikhanik qahagitunik agilramikni nunagiyauyumi pihimakpatalu ukuniga piqariaqaqniginik:

- (a) kivgaqtugauyuq pihimayariaqaqtuq, ilaulaaqlunilu, atuqtumik naunaipkutimik Nunavumi Aaniaqtailinikut Munarijutinik Upalugaiyaunmik; unalu
- (b) huuk aulariaqaqniganu nakuuyuq turaaqtijut Nunavumit taaktimit aulaaqniqlu kigumalainmat kivgaqtugauyut aulaaqat ahianit pijutauyumit.

6.2 Upaluqnaqat, akituniga aaniaqvikmut aulariami aularutit nunaqagitunik akiligaunaquq Kavamanit Nunavumit; kihiani, nunaqagitut akiligakhainik tuniyauniaqut tamainik akitunigitni aularututit atuqtauyunik.

Kivgaqtuyauyunut Ikayuutauyut

6.3 Aaniaqvikmut Aulariami ikayuutit agitauvakniaqut aaniaqtu aulaaqniginik Nunavumit.

6.4 Aaniaqtailiniq akiliqhivaktuq ayuqnaqhigaagat. Aaniaqvikmut aulaaqniqmi ikayuutauyut (tamakmik iniriiqhimayut upaluqnaqtulu) pipkagauyut kivgaqtuqtanut atulaaqtunik aaniaqtut aulaaqniginut ikayuutauyunik havaktikut, qulaknaiyautiliqiyit timiuyukut, ahiaguluniit havaakut, ilaqaqluni munariyaukpat. Kivgaqtugat piyariaqaqniatut aturiagani pigahuanik ilauyumit qulaknaiyautinik havaktuuvluniit ikayuuhiakhainik hivuliuluni.

6.5 Pijutiqaqat akliqatiriigutini ihuaqhaqtainik Ministauyuup, aaniaqtut aulaaqniginik ikayuuhiakhat ilaqaqtut ukuniga:

- (a) aaniaqtut aulaaqniginik aularutit talvuga talvagalu qaniniqhamit agitauhimayumit havakvikmit uvuuna:
 - i. Iniriiqhimayunik tikmijuitnik akituvalaagitumik tikmijutimik;
 - ii. tajainaq tikmijutikut naamainaqat akituvalaagitpalu ahiagurutimik iniriiqhimayut tikmijutikhanit;
 - iii. nunami aularutikhamik aturiaqaqat nuutaganu kivgaqtugaq atautimi agiqtauhimayumi havakvikmit ahianut;

- iv. Kayumiktikut aulaarutinin ihariagiyaugaagat aturiagani upaluqnaqtumik muniariyauyariaqaqat kivgaqtugakluniit aulaalimagitpa iniriiqhimayunik tikmijutikut; unalu
- v. akituniga aulaaqniup kivgaqtugak aaniarutiqaqluaqtuq aaniqluaqhimayuqluniit maniqami qaniniqhamut agiqtauhimayumik havakvikmut (pijutiqaqtuq pivikhaqaqnignik Agiqatiriigutauyumi Kagiqhimaniganik ukunanga Aaniaqtialinikut Havakviuyumilu Nunagiyauyuni Kavamanilu Ikayuutauyunik).
- (b) aaniaqtuq aulauqatiqariagani uqautauyumi uiguani 6.28-mi; unalu
- (c) kivgaqtugaq aulauqatiqariagani uqautauyumi uiguani 6.6-mi.

6.6 Kivgaqtugaq pilaaqtuq kivgaqtugauyuq aulauqatiqariagani Nunauvmi taaki, uqaqatigikpatu kivgaqtugauyuq munaqtiluniit, atuliquyaayunik kivgaqtuga aulauqatiqariagani ukualu aturiaqaqtut pihimaliraagata:

- (a) ihariagiyaayuq maligatigut agirutaayumik kivgaqtugauyumik agayuqaaganit munaqtianiluniit;
- (b) kivgaqtugauyuq ihumamigut timimiguluniit qanurilihimayuq pijuatauniganik kivgaqtugauyuq aulalimaiqnignaik ikayuqtiqagitumik;
- (c) kivgaqtugauyuup aulauqataa ilauniaquq kivgaqtugauyuup munaqtauniganit havaami qanuriliurutikhaniklu naunaitunik aturiaqaqtuniklu agilrami munagiyauniganit munaqhilu pigiarutikhanik pipkagaulimagitunik kivgaqtugamit talvatuaq;
- (d) kivgaqtugauyuq atuahiinqmik uqayuqktuq Inuinaqtut aulariaqaqtuqlu agiqtauhimayumik havakvikmut uqaqtiliqtuiyit ikayuutait qahaginmata;
- (e) kivgaqtugauyuq atauhiinaqmik uqauhiqaqmat Inuinatut uqauhiqmik 65-niklu ukiuqaqhuni avataanuluniit; uvaluniit
- (f) kivaqtugak aulaariaqaqmat avaluutaaganit nutaqiuriagani ahiani agilramiknit nunagiyauyumit.

6.7 Kivgaqtugauyuq aulaarumakpat havakvikmut ahianut qaniniqhamik agiqtauhimayumi havakvikmit, aaniaqtut aulaaqniginut ikayuuhiat pipkagauniaqtut tikilvikhamut akikiniqhamik Aaniaqtailinikut akiliriagani ukunani qaniniqhani agiqtauuyut havakviuyut ahianiklu havakvikmik tikuaqtaani kivgaqgutaayuup.

6.8 Agiqtauyuq aulaaqniq atulinqniraqtauuyut ikhuraliqaat hivuliqmik tikmijutikhamut aulaarutikhanik hivuani kivgaqtugap upautikvikhaanit munaqhinut.

6.9 Kivgaqtugaq munaqhinit naamagiyaaliqat utiriami agilramut, utiriami aulaaqniq ihuaqhiyauniaquq hivuliqmik qahaktumik utiqvikhamik kiquliqmi takutauniganit,

nunagiyaayumut aaniaqtuut aulaqvigiyaanit, uvuuna akituvalaagitukut aularutikut qahaktumik.

Kivgaqtuqtauyuup Havaariyait

6.10 Kivgatugayut sainiqhiyariaqatut Kivgaqtugaq Aulaaqnigagut

Agiqatiriigutaayumik Naunaipkut A-mi aularutikhaq ihuaqhiyautinagu.

6.11 Aaniaqtuq aulaqnigani munatauyaagani , kuvgaqtugat havaaqaqtut ukuniga:

- (a) Pipkailuti hivuani itqaijutimik munaqhinut kivgaqgutaayuq ilaulimagitpat hivuani uqariiqtayuup upautivikhaanik pilimagitpat kihiani aaniaqniganit uvaluniit qanuriliniganit ahianit kivgaqtugaayuup munariniganit;
- (b) upautivakumi tamainik upautivikhaminik;
- (c) maliruaqat tamaini atuqyayuyunik ukunanga aaniaqtunik munaqhinit;
- (d) upautiluni tamainik tikmijutikhanik kihiani pilimagitpat aaniarutiminit uvaluniit qanulirilijutinit ahianit kivgaqtugaap munariniganit;
- (e) maliruarumigit maliruakhat aaniaqviliat hinikhaqviani hiniqtaqviupluniit iglugiyayuup;
- (f) atuginiga pitiarutaugitut immigakniqlu taagaqnit, higaaqluknit, atuqyauqitunik imigaknaqtunit, atuqniqariaqagituq imigakniqmit aturiaqagitunikluniit imigaknaqtunik atuqniganik;
- (g) Atuginiga ilaunigani pitiagijutunik uqauhiqmik timimiluniit qanuriliurutimik, nigaqniqmik aturiaqagitumiluniit inuujuhiqmik, pijutaayuqlu aaniqtirijutunik inuknik piqutinikluniit ahiruqtirijutunik; unalu atuqhimaqaqtakhagiyan inungnin unгахikhimajukhaujut, ihuaqtumik algatik uartirlugit maliklugillu hunalikaak munaqhiliqijitkut havaktit maliqujainun pidjutaanun ihuaqtumik qajagidjutikhanun atimajakhainun (Personal Protective Equipment -PPE) pigiaqagumi.

6.12 Naunaiqalu kivgaqtugayut pigitpat aturiaqaqtaminik atuqat Kivgaqtugaayuq Aulaaqnikut Agiqatiriigutaayut (Naunaipkut A-mi) uqautayumi uiguani 6.11-mi, Hivuliqhuqti aalalunit atanguyat tikuaqtaayuq Tuuklianit Ministayumit, ihumaginiaqait ukua pigiarutikhat upijutikhanik:

- (a) Kivgaqtugaq ihumagiyaaulaaqtuq ilaulimaginiganik taja hivunikhamiluniit aulauqatit havaariyakhainik;
- (b) Kivgaqtugaq akliqhipkaqtaulaaqtuq akituniginik pijutiqaqtunik aaniaqvut aulaanignit uniuqhikpalu upautivikhaminik;
- (c) Kivgaqgutaayuq apiriyaulaaqtuq akiliqhiyaagani nanminiq ihuaqhaqtaminik, hiniktautikhaminiklu, nirijutikhaminik, nunamilu aularutikhaminik; unalu uvaluniit

- (d) Kivgaqtugauyuq munarialaaqtuq hunanikliqaa ahiruuqtiirijutimiknik pitiagitkumi aturiaqagitumiluniit qanuriliuritiminit.

Ilaunigit Pilimagitulu

6.13 Aaniaqvikmut aulaaqniqmik ihuaqhatauyut, ilaginilu pijutauyuni, akiliutit hiniktautininik, nirijutininik, nunamilu aulaarutini, kivgaqtugat aulauqataininik aulaaqniqlu ihumagiyaulaaqtut ilagani tamainiluniit aturiaqaqtunit qanurininiginilu kivgaqtugaap qulaqnaiyautininik akiligainit ilagani kituniliqaa ukunani qulaqnaiyautininik havaani:

- (a) Qulainaiyautiqagitut Aaniaqtailinikut Ikayuutininik Havaami;
- (b) Ilagiaqhimayut Aaniaqtailinikut Ikayuuhianik Havaaq;
- (c) Havaktut Aanigitaagani Akiliutikhaniklu Kamisiuyuq;
- (d) Inuit Ikayuutainik Aaniaqtailinikut Munarijutininik Upalugaiyaut;
- (e) Kavamat Nunavumi Havaktut Kiguhiliqininikut Aaniaqtailinikutlu Ikayuuhiagininik Upalugaiyaut; unalu
- (f) Pigahuanit qulaqnaiyautininik upalugaiyautit.